

武昌府輿地記二

武昌縣

沿革

禹貢荊州之地職方爾雅亦屬荊州周屬楚為鄂國史記楚世家熊渠生三子當周夷王之時王室微諸侯或不朝相伐熊渠甚得江漢間民和乃興兵伐庸楊粵至於鄂乃立其長子康為句亶王中子紆為鄂王少子執疵為越章王皆在江上楚蠻之地是也秦屬南郡漢為鄂縣屬荊州江夏郡太平寰宇記引江夏記云漢高祖析南郡置江夏郡處於鄂是鄂亦嘗為郡治矣後漢因之三國屬吳孫權分漢江夏郡之鄂下雒沙羨漢廬江郡之尋陽漢豫章郡之柴桑立武昌郡屬荊州改鄂為武昌縣分鄂置陽新縣於是武昌郡領六縣治武昌即今武昌縣也復

光緒湖北輿地記一

一

自建業徙都武昌黃龍元年於此即尊位還都建業大子登留守武昌嘉禾元年大子還建業立王子奮為齊王居武昌後徙居豫章甘露元年歸命侯復都之旋還建業蓋武昌實為吳行都晉仍為荊州武昌郡太康元年復立鄂縣而武昌縣如故領七縣治武昌東晉屬江州嘗為刺史治所如王敦謝尚庾亮庾翼陶侃温嶠並鎮武昌是也宋為鄂州武昌郡領武昌陽新鄂三縣齊為鄂州武昌郡領武昌鄂陽新義甯真陽五縣而義甯真陽實僑置寄治者梁為鄂州武昌郡領武昌鄂安昌國川四縣改陽新為永興度江夏郡陳因之但復永興為陽新

宋本太平寰宇

記梁普通七年置安昌縣在永興縣西北九十里陳世祖紀天嘉二年十一月以武昌國川為竟陵郡以安流民則國川在陳

僑郡矣於是今武昌實為晉宋齊梁陳武昌鄂地隋廢鄂入

昌屬荊州江夏郡自吳立武昌郡武昌縣嘗為郡治至是併入



江夏郡治江夏縣而武昌爲屬縣矣隋末析縣西境置城塘縣尋廢併入焉唐爲武昌縣屬江南西道鄂州永泰後置鄂岳觀察使元和元年置武昌軍節度使鄂州皆屬之五代爲武昌縣屬鄂州梁唐時屬吳唐遙改武昌軍爲武清軍晉漢周時屬南唐顯德五年入於周宋初爲武昌縣屬荊湖北路鄂州江夏郡武昌軍節度南渡後升武昌縣爲武昌軍使旋以與鄂州節鎮同名改曰壽昌軍領武昌縣於是武昌縣爲軍使治所端平初以武昌還隸鄂州元初因之至元十四年升散府治本縣後革府以武昌縣屬湖廣等處行中書省江南湖北道武昌路明爲武昌縣屬湖廣布政使武昌府 國初因之康熙三年分湖廣布政使爲湖北布政使武昌縣遂屬湖北武昌府

疆域

光緒湖北輿地記一

二

廣七十四里縱十六里至 京師陸程三千二百六十里至本府陸程一百八十里橫距府經綫九十九里縱距府緯綫三十一里斜距府一百又二里東至蘄水縣界二十六里西至江夏縣界四十八里南至大冶縣界十六里北瀕江黃岡縣界東南至大冶縣界四十四里東北瀕江黃岡縣界西南至興國州界一百二十里西北至江夏縣界六十一里

天度

增 日出入

緯度北極出地三十度二十三分十二秒經度距 京師中綫偏西一度四十分三十五秒

冬至日出卯正三刻十三分五十七秒日入酉初初刻一分三秒晝四十刻二分六秒夜五十五刻十二分五十四秒夏至日出卯初初刻一分三秒日入酉正三刻十三分五十七秒晝五

十五刻十二分五十四秒夜四十刻二分六秒

山

武昌之山由省垣正脈桃花尖所分東支至縣西南一百二十里之大墓山入縣境迤東爲興國武昌界於興國詳之至縣南百里之馬橋坳分北支入縣境於是敘武昌山自馬橋坳始馬橋坳之北曰尖山又西北曰象山又西北曰茅山又北曰分水嶺其東北分支爲武昌大冶界者曰白石巖又東曰官材腦其北支入武昌境者曰挂榜山又北曰慶擔山山東西高而中凹平衡如擔故名又北曰相公山官材腦之東北曰牛心嶺又北曰饒莘山又北曰崖山又北曰分水嶺又西北曰雷山上有靈山院分水嶺此白石巖東之分水嶺之西北曰獅子巖獅子巖之東曰鍊子山獅子巖之西曰靈溪山曰大龍

光緒湖北輿地記二

三

山兩山相接嵯峨凌霄漢方輿紀要言中有寺觀皆以靈溪名大龍之北曰三角山方輿紀要言山有數峯皆奇秀三角之東曰七頂山圖經言層疊數峯燦然星列體勢崢嶸望之纍纍如北斗七頂之東曰宮臺山圖經言高聳入雲百里外可見上有兩石夾道長丈餘通行人名石門關中橫一石名石門限盛夏涼氣襲人宮臺之東曰龜山三角山之西北曰官山嶺又東北曰雷打山又東北曰柯家山柯家山之北曰仙人石柯家山之東北曰小茗山又北曰大茗山大茗山之北曰李家坳又西北曰大王山又北曰劉家山劉家山之北曰沼山縣亘於武昌大冶界上凡十餘里中多奇木怪石一統志引輿地紀勝云絕頂有覆盆山獅子石崖下有沼清瑩可鑒劉家山之西曰象鼻山又西北曰朱頭山朱頭東北曰

黃連山朱頭西北曰羊角山又西北曰長嶺長嶺之西北曰老虎山又北曰磨刀磯長嶺之東曰蔡家山又東曰橫山又東曰青龍山又東曰磨子山大茗山東北入大冶縣境曰李家山又北曰官山官山之東曰梅山官山之北曰龍安山轉而東曰大洪山大洪山之東南曰鶴泊山大洪山之東北曰西野山西野山之東南曰鰲山西野山之西北曰荷包山又西北曰蓮花山曰金山又西北曰梅子山西野山之東北曰松山又東北曰犢山犢山東南曰秀山又南曰長樂山犢山西北曰株山株山之西曰劉家腦又西曰張家山又西曰雨山犢山東北曰高峯山於是高峯山之東爲白石山一支延亘於大冶東境者蓋武昌之山由武昌南境入大冶西北境復入武昌北境敘武昌山者勢不能遺大冶今以高峯以東

白石一支爲大冶篇而以大茗至葛山一支南北均屬武昌者於此詳之高峯之北曰鍊山產鍊西南有鍊廠修火輪車路東達石灰密江瀕以運舛方輿紀要言唐宋時於此置鑪燒煉金鍊按晉書地理志鄂有新興馬頭鍊官當在鍊山西保安湖畔鍊山之北曰白雉山方輿紀要言周五十里有芙蓉峯獅子嶺金雞石諸勝山南出銅舛晉宋以來俱置銅場錢監後廢今山口墩或謂之銅竈其遺跡也白雉山之西曰殷家背吳家背周家腦白雉山東南曰獅子山又東曰小洪山又東曰花山又東曰銅竈山此蓋白雉南阜卽方輿紀要所謂山口墩銅竈也白雉之西北曰五卦山白雉之北曰楊嶺楊嶺之東南曰劉家山楊嶺之北曰鳳皇山鳳皇山之東曰腰子山腰子山東南曰梅西山腰子山之東曰大頭峯轉

而南曰阮家山又東曰張家山又東曰華山鳳皇山之西北曰葛山至武昌界葛山之東曰大興山又西北曰滾山葛山之北入武昌境曰白龍山白龍山之東曰諸家腦又東曰黃陂山黃陂山之北曰小鷹山又西北曰天龍山又東北曰鷹山黃陂山之東南曰父子山又東曰斗笠山又東曰鳳山鳳山西南曰英吼山又西曰火盆山鳳山之東曰土陂山又東南曰高石頭又東南曰黃山東臨黃山湖黃山東南湖中有兩山南北峙南曰蜀山北曰唐山唐山東北湖東岸曰檀山又北曰平山磯卽方輿紀要之安樂磯也平山西北曰大山腦北有象鼻背大山之西曰二品山北有燕磯二品之西曰青山又西曰獅子山北有龍王磯獅子之西曰蛇山自大山至此五山卽水經注所謂五山沿次江陰名五圻者也白龍山之西曰大畝山大畝之北曰蓮花山大畝西北曰石頭山又北曰西山西山之西曰樊山水經注又曰袁山者是也西山之東卽縣城此馬橋坳以北一大支實延亘於梁子湖與淖源湖間者也

水

江水自江夏縣東南流至縣西北七十里之白澚山北入縣境江中有洲曰木鷺洲卽晉劉毅破桓元之崢嶸洲也自西北至東南長約十里廣二里南北距江岸均二三里實爲江夏武昌及北岸黃岡三縣江岸江水自白澚山麓東少南流四里過木鷺港北木鷺港南北長約三里東南通張家湖新港湖江水又東流二里過白鹿磯北白鹿磯神人山之西北麓也瀕江當卽水經注之貝磯宋開慶初忽必烈南侵自黃州陽邏泆橫橋梁

貫鐵鎖至白鹿磯進薄鄂州是也江水又東過神人山石龜山
北八里至新港閘北港長約四里南通新港湖彭白湖江水又
東少北過長背山北十二里至趙家磯有港長四里許南通張
白湖趙家磯在港西港東曰中磯又東曰泥磯三磯相聯僅三
四里泥磯蓋卽水經注之黎磯江水又東北過中磯泥磯北六
里至兔子山北於是有黃岡縣之羅霍洲李家洲分江流爲二
其北支東流詳黃岡篇其南支東南流七里至磧磯港東港口
約廣二里口之西有阜中塞分爲二港並西南通磧磯湖港之
東南五里又有港自塘林墅北西通磧磯湖其長均約四五里
港與湖皆以磧磯名卽善長所謂上磧仲雍所謂大小竹磧也
自磧磯港至塘林墅皆東北對羅霍洲羅霍李家實一洲而二
名李家洲之東復有鴨蛋洲是又分江水北支爲東西二支者
也羅霍鴨蛋蓋卽水經注之烽火洲一名舉洲者江自木鷲港
迤東其南岸有神人石龜長背兔子等山聯亘山南爲羣湖所
匯名號不一亦隨地命名也

其最西者曰張家湖南北廣五六里西北納木鷲港東南吐
段塘港段塘港長約五里自申家鋪之東北出張家湖東南
達段塘湖者也張家湖之西南有新橋水西北自白澣司南
東南流過新橋來注計行八里張家湖之東曰新港湖南北
廣四五里新港湖之東曰彭白湖南北廣亦四五里新港彭
白之間實北納新港閘水彭白湖之東曰龍家湖南北廣五
里南吐丁橋港南達武城湖港長四里武城卽段塘之東北
澥也段塘武城南匯爲鴨兒淡湯等湖別詳後龍家湖之東
曰張白湖南北廣八里北納趙家磯港張白湖之東曰上塘

湖又東曰磧磯湖南北廣十里東北納磧磯港東納塘林墅港羣湖北倚山麓南爲永一永二永三諸里地水落則各自爲澗水漲則匯成一片東西都長約二十八九里北通江之口凡五南通江之口凡二云水經注所謂赤溪夏浦杜口江浦黎磯夏浦當卽此羣湖也

江水又自塘林墅北港口東南流六里至三江口三江口者江水南支與北支分爲東西二支合流處也口南有湯湖港通淡湯鴨兒等湖

鴨兒湖湯家湖魚湖淡湯湖自西池東橫巨者也鴨兒之北曰段塘湖武城湖鴨兒之南曰炭門湖楊莊湖神塘湖峒山湖此其南北直巨者也名雖隨異究屬一湖其全狀畧如丁字形自段塘湖西北隅港口受張家湖水處迤西南十五里

爲段塘鴨兒兩湖西岸有漢西匯四五里名車塘湖汉口廣約二里漢南爲炭門觜卽炭門湖西岸也自炭門觜南池十里曰南塘口爲神塘湖西岸有港西通吳塘湖梁子湖別澗也港南岸曰鮮洲自南塘口沿鮮洲東南迤五里轉而東北迤十里至上馬家河口神塘峒山兩湖南岸也上馬家河自西北至東南長約六里峒山湖通長港水道也河口之北少西距岸二里許湖中有山曰峒山故以名湖山東西約四里南北約三里峒山西北卽楊莊湖也自上馬家河口東北迤十里爲湯家湖魚湖南岸又轉而東南迤四里爲淡湯湖南岸有港東達長港長約十二里自港口北迤十里至秦家湖口爲淡湯湖東岸又自段塘湖西北隅港口東北迤十里至丁橋港南口爲段塘武城兩湖北岸自丁橋港口南迤十里

有小汊東南匯於上西洋阪自汊口轉而東南迤八里爲鴨兒湯家兩湖北岸轉而東迤七里至秦家湖口爲湯家魚湖淡湯三湖北岸自鴨兒湖西岸至淡湯湖東岸爲全湖東西水極距約二十五里自武城湖北岸至神塘湖南岸爲全湖北極距約三十四里北通張家彭白等湖之港二西南通吳塘湖之港一南與東通長港之港二其東北注江之港一卽秦家湖口也於是自秦家湖口北匯四里東西廣二三里爲中秦家湖北有兩小汊其西汊北匯約三里曰林王湖東汊北匯約五里曰魯家壩湖自秦家湖東北匯者爲港七里至馬橋湖又東北匯四里至黃柏山西北曰湯湖又東北匯四里將注於江

光緒湖北輿地記二

八

江水又南流五里過黃柏山東又南流入里江中有洲曰新淤洲分江流爲二其東支與洲詳黃岡篇其西支南流六里至官洲官洲南曰得勝洲亦一洲而二名也本屬黃州然西倚武昌岸故於此詳之蓋卽水經注之蘆洲亦曰羅洲者自西北至東南長約十二里廣處僅三里耳又分江水西支爲二支而洲西距大地僅半里許故洲西之支實爲小港南流十里注樊港自中磯池東南至此江支注樊港處皆有隄禦江漲卽所謂黃柏山隄也江水西支又南少東流六里出新淤洲尾與東支會東岸卽黃州府城也又東南流六里至得勝洲尾曰樊口有樊港水來會

樊港一名長港梁子湖通江之港也注江處曰樊口亦曰袁口梁子湖延袤數百里然所受無長源大水蓋吐納江水而爲浦者庾仲雍謂谷里袁口江津南入歷樊山上下三百里

通新興馬頭二治按江津卽長港也晉書地理志鄂有新興馬頭鍊官今大冶縣有鍊山產鍊西瀕保安湖而保安湖本通長港及梁子湖是新興馬頭在今鍊山下保安湖畔所謂二治者鄂縣與鍊官所治也保安湖於大冶詳之梁子湖西偏於江夏詳之茲敘梁子之在武昌境者並詳長港焉

長港西岸

本黃州衛屯地然插入武昌地故詳於此

在武昌境入梁子湖之水源稍長者曰

高橋河其上流曰東水源出咸甯縣東南五十里桃花尖北麓西北流八里過茶地鋪西又西北流六里至石獺口有石

獺水出金雞山東麓東北流十二里來會又東北流五里過田三口西又東北流六里至張家橋有小水出桃花尖東北麓西北曲曲流二十里來會又東北流五里過赤橋又西北流四里過游家山之東又東北流五里過孟家橋又東北流

光緒湖北輿地記二

九

二里至油鋪山北爲武昌縣界有大墓山水出大墓山西麓北流過駱駝山西至三星橋會西南自咸甯來之常收畝水又北流過姚家山牛鼻山之東至油鋪山北共行二十五里來注東水旣會大墓山水北流里許過高橋市東曰高橋河又北流八里至牛皮山之西南有武昌之大頭坳水東南出大墓山東麓之大頭坳西北流三十里來注高橋河又北流四里至雙溪橋

亦曰落水橋

有高橋河別源出咸甯縣東南二十

二里之小黃山東麓東北流過石川畝馬鞍山之北又東北流過沈廖山之東又東北流至楊家山之東受自南來之鹿過橋水又北流至呂家山之西受西南自茅山來之六齊橋水又轉而東流過潘家橋又東流至雙溪橋共行四十四里來會高橋河旣會別源轉而東流七里入武昌縣境計大墓

山水行二十五里入高橋河又行二十里至此均爲咸甯武昌兩縣界高橋河旣入武昌縣境東流八里至徐家橋有西龍港水南出王彩山北麓西北流二十六里會自東南來之大田山水又北流二里來注高橋河又北曲曲流十里有樊詩橋水源出咸甯縣東北四十里之樊詩橋東北流八里入江夏縣境又東北流二里受東南自三又嶺來之小木又東北流二里受東南自武昌縣境來之鄒家灣水又北流二里受自西北過麥地嶺南來之鄔家橋水又東北流里許入武昌縣境東流六里來注高橋河旣受樊詩橋水又東流七里過高家河南又東北流五里過雷家橋又東北流十二里有小港水東南出武昌興國大冶三交界之馬橋坳西北流四十里過金牛鎮之東又東北流八里來注高橋河旣會小港

水又北流六里入烏翎湖烏翎湖梁子湖東南別解也烏翎之北曰浮石湖高塘湖馬飲漿湖烏翎之南曰蓮花塘魯家澗蓋一解之內而不一其名矣自高橋河入湖處池西約十二里至蔡家澗爲湖之南岸自蔡家澗池北少西三十四里至武昌背爲湖之西岸西岸之港不一其著者蔡家澗北十里之劉家灣又西南匯約十二里其西南極處與江夏之佛山河源東西距僅二三里劉家灣又北之詹家灣又東北匯約十二里其東北極處西距江夏界之梅林古剎僅三四里兩汊之口實合爲一兩汊之北約五里曰汪家湖在沙背與李家背間西匯僅三四里汪家湖北少西約十二里曰駱家澗在張家灣與大頭背間東北匯約五里駱家澗北去武昌背約七里耳武昌背東北里許爲香爐山東北至西南約

二里香爐山東北二里爲梁子山南北二里東西四里二山均懸絕湖中湖卽梁子湖也自高河橋入湖處池北四十三里至磨刀磯爲湖之東岸東岸無大港漢高橋河口北十里有熊家寨漢東匯約三四里其東岸距保安湖漢西岸僅三四里熊家寨漢北六里曰西澗又北少西十四里曰大白港港東南匯約五里其東岸距大冶保安湖漢西岸僅二里許大白港北三里曰後澗東匯二三里及長嶺市東距大冶保安湖漢亦僅二里許後澗南觜西距武昌觜十三里澗北則爲梁子湖岸矣從澗之北五里有寺觜西距梁子山五里爲梁子湖在武昌境之東西闊合在江夏境之闊數近四十里云寺觜北至磨刀磯約五里耳磨刀磯北卽長港西口也自長港口北池十二里爲蘆蓆港西北口吳塘湖通長港處也

口北卽鮮洲鮮洲北卽南塘口吳塘湖通神塘湖處也兩口南北距約六里南塘口北少西迤二十里至吳塘觜凡此皆吳塘湖東岸吳塘亦梁子北澗其西半實在江夏境吳塘觜武昌江夏交界處也而長港口西水中有三小島南北列水中相距均不過一里東距岸亦一里北小島之北四里有島曰月山東北至西南亘長七里廣半之畧如半月形故名東距岸亦僅里許遙屬大冶懸插此間耳居民凡三百餘家月山東北卽蘆蓆港口月山西南觜西對江夏之曠林觜相距約四里故月山正西值江夏之牛山湖口也鮮洲西對南塘市約六里實爲吳塘湖口兩岸而南塘市雖在西岸實屬武昌惟其地爲吳塘牛山兩湖間地觜南北約十里屬武昌者僅東臨一帶東西僅里許耳自磨刀磯入港曰長港東注十

里有東溝東南注六里達大冶之保安湖長港又北少東注六里至蘆蓆口有蘆蓆港西北注十里達吳塘湖長港又東北注入黃州衛屯地十五里至馬家河口有馬家河北少西注六里達峒山湖長港又東注八里轉而南注五里至楊澤溝有港西南注四里達大冶之石碧湖保安湖別澗也又東注過滾子山北六里轉而北注六里有港長里許東注夏蔣湖夏蔣湖南北長十二里東西廣或一里二里耳長港又東北注六里有港西注十里達淡湯湖長港又東注里許得勝洲江支來會又東注四里至樊山北麓注江

光緒湖北輿地記一

三

則溢冬則竭晉陶侃鎮武昌作隄障之使水不竭魚蒲始繁宋李建初臧質敗亡入南湖卽此也江水又東流七里至泥湖間有港西南匯五里爲慈湖南北三里東西二里有小水南自黃陂山東麓北流七八里注湖慈湖又東吐南注爲慈姑港五里達琵琶湖琵琶湖之東曰彭塘湖又東南曰走馬湖又東南曰黃山湖又南曰石頭湖又南有山曰唐山唐山之南曰蜀山兩山矗列水中相距不及一里蜀山之南則匯入大冶縣境爲華家湖矣羣湖名隨地異實爲一澤計自琵琶湖迤東匯約十五里又轉而南匯亦十五里至蜀山南大冶縣界其都長蓋三十里廣則或五六里二三里不等水經注江水東得次浦江浦也蓋卽今之南湖東湖慈湖等也江水自泥湖間又東流四里過龍王磯北又東流四里過燕磯北又東流四里過象鼻背北龍

王磯燕磯象鼻背之南有蛇山獅子山青山二品山大山腦五
山者東西橫亘當卽水經注所謂有五山沿次江陰故名五圻
者江北岸卽巴水口也江水自象鼻背又東南流五里過車湖
東車湖江上小浦也江中有小洲曰趙家洲南北長約三里廣
半之西距岸僅里許趙家洲之西南約里許有大洲曰戴家洲
蘄水地也於是分江流爲二其東支詳蘄水篇西支自趙家洲
南少東流三里過平山磯東殆卽方輿紀要所言縣東三十里
之安樂磯水經注江右岸有安樂浦亦卽此四里至三夾洲坵
西岸之洲也又東南流九里出戴家洲尾與東支會於是三夾
洲之南里許有洲南北長約四里廣半之西距岸不及一里焉
江水自戴家洲尾南流八里至黃石港東港西注四里入大冶
之華家湖港南則大冶地矣自縣城東里許至此江南岸均築

隄禦漲

鄉鎮

縣有鎮市二十三鄉七里三十四

金子磯鎮在縣西五里樊口一曰衙門港三江口鎮在縣西三
十里赤土磯鎮在縣東三十里武昌鎮在縣東南六里白澗鎮
在縣西九十里金牛鎮在縣西南一百二十里葛仙鎮在縣西
九十里華容鎮在縣西六十里梁子鎮在縣西南一百二十里
長嶺街在縣西南百里司徒廟鎮在縣東五里澤林背鎮在縣
南十五里保安鎮在縣東南六十里半屬武昌半屬大冶涂家
腦鎮在縣西一百三十里新店街在縣西一百里丁橋街在縣
西七十五里東街嶺在縣西八十五里燕磯街在縣東三十里
徐家鋪市在縣西南一百四十里高橋街在縣西南一百五十

里盤棧市在縣南七十五里謝埠街在縣西南一百一十里大和嶺市在縣西南一百里

鄉在城東者曰洪道鄉在城西者曰神山鄉曰永福鄉曰賢庠鄉在城西南者曰符石鄉在城東南者曰靈溪鄉在城南者曰馬蹟鄉

洪道鄉有里三曰洪一曰洪二曰洪三神山鄉有里五曰神一曰神二曰神三曰神四曰神五永福鄉有里三曰永一曰永二曰永三賢庠鄉有里四曰賢一曰賢二曰賢三曰賢四符石鄉有里四曰符一曰符二曰符三曰符四靈溪鄉有里七曰靈一曰靈二曰靈三曰靈四曰靈五曰靈六曰靈七馬蹟鄉有里八曰馬一曰馬二曰馬三曰馬四曰馬五曰馬六曰馬七曰馬八西路自縣前鋪十五里至水口鋪又十五里至平安鋪又二十里至梅城鋪又十五里至華容鋪又六十里至江夏縣土橋驛南路自縣前鋪十里至梅嶺鋪又十五里至大冶縣桐城鋪北路自縣前鋪十里至黃岡縣

職官

知縣 縣丞

教諭

復設訓導

巡檢二員

一駐金牛鎮
一駐白巖鎮

典史

把總

嘉魚縣

沿革

禹貢荊州之地職方爾雅亦屬荊州周爲楚地秦屬南郡漢爲沙羨縣地屬荊州江夏郡東漢因之三國吳黃武中分沙羨置蒲圻縣屬荊州長沙郡沙羨仍屬武昌郡嘉魚爲沙羨蒲圻兩縣地晉太康初改沙羨曰沙陽尋復曰沙羨而分其地爲沙陽

縣屬荊州武昌郡嘉魚爲沙陽及蒲圻北境爲武昌長沙二郡所跨宋仍爲沙陽蒲圻地惟元嘉十六年以沙陽蒲圻度巴陵郡孝建元年復以沙陽蒲圻度江夏郡屬郢州齊因之梁仍爲沙陽蒲圻地屬沙州上雋郡陳屬雋州隋平陳省沙陽入蒲圻屬荊州江夏郡於沙陽地置鮎瀆鎮嘉魚爲蒲圻地唐仍爲蒲圻地屬江南西道鄂州永泰後置鄂岳觀察使元和中置武昌軍節度使鄂州皆屬之五代於梁唐時鄂州屬吳唐遂改武昌軍爲武清軍於晉漢周時鄂州屬南唐保大中升鮎瀆鎮爲嘉魚縣屬鄂州宋嘉魚仍屬荊湖北路鄂州元嘉魚屬湖廣等處行中書省武昌路明嘉魚屬湖廣布政使武昌府一國初因之康熙三年分湖廣布政使爲湖北布政使嘉魚屬湖北布政使武昌府

光緒湖北輿地記二

十五

疆域

廣八十二里縱四十八里至京師陸程三千里至本府陸程一百五十里橫距府經綫七十三里縱距府緯綫一百一十三里斜距府一百三十五里東至江夏縣界四十二里西至沔陽州界四十里南至蒲圻縣界四十里北至沔陽州界八里東南至蒲圻縣界二十六里東北至江夏漢陽二縣界六十里西南至湖南臨湘縣界一百一十四里西北瀕江至沔陽州界六里

天度 增日出入

緯度北極出地二十九度五十八分三十四秒經度距京師中綫偏西二度四十分十七秒

冬至日出卯正三刻十二分五十七秒日入酉初初刻二分三秒晝四十四刻四分六秒夜五十五刻十分五十四秒夏至日出

卯初初刻二分三秒日入酉正三刻十二分五十七秒晝五十五刻十分五十四秒夜四十刻四分六秒

山

嘉魚之山南接蒲圻亦分陸水以東陸水以西兩支其在陸水以東者南自蒲圻縣之茗山北迤至縣南四十里之中觜山入縣境中觜之北曰秦鐘山世傳秦時鑄鐘於此故名秦鐘山之東曰斗壁山曰雷地山又東北曰大牛山入蒲圻境又東北曰洪山嶺洪山嶺北曰障山方輿紀要言形如屏障障山西曰四古臺大橋水北源出焉洪山嶺東北曰虎山寺又東南曰熊家嶺又東南曰周家嶺又北曰毛家嶺此秦鐘山以東北延亘於蒲圻境大橋水南北兩源間支山也秦鐘山之西曰祁家山祁家山之南曰釘銅山祁家山之西曰真

仙山又西北曰南嶧山當卽方輿紀要之九隴山又西南曰大暑山大平寺水出焉方輿紀要言九隴與大暑相峙懸巖峭削古洞深窅大暑山之西南曰萬家山又西曰龜山大暑山之西曰百合山百合山之北曰大山殿又北曰楊家山又北曰坑頭山又東北曰覃家山又東北曰賴利山賴利山之東曰楊家山賴利山之東北曰橫山百合山之西北至打履鋪打履鋪之北曰黑石磯又東曰小龜觜又北曰月山又北曰石屋山又北曰胡家臺山打履鋪之西曰虎山虎山之東南曰月山虎山之北曰官山又北曰石壁山石壁山之東北曰孟家嶺孟家嶺之東曰銅山石壁山之北曰仙人坡仙人坡之東曰黃豹山仙人坡之西曰飲馬山又西曰龍潭腦又西曰小山仙人坡之北曰唐冒山又東曰唐公山此秦鐘山

以西北支山也秦鐘山之北曰洞山轉而東曰梅山又東北曰月山又東北曰烟墩嶺烟墩嶺之西北曰白雲山又北曰白面山卽水經注之蒲圻山也三國吳所置蒲圻舊縣實在山北白面山之西曰金雞嶺又西曰石磯頭白面山之東北曰牛首山又北曰魚躍山卽水經注及隋書地志之魚嶽由也烟墩嶺之東曰棗嶺棗嶺之東曰榛山曰鮎魚山又東曰大嶺背大嶺背之東南曰螃嶼山大嶺背之東曰石頭背棗嶺之北至任家龍頭任家龍頭之西曰龍吼山任家龍頭之東北曰石壁山又東北曰小蜀山任家龍頭之北曰雷神山轉而西曰楓樹嶺又北曰挖沙嶺又西北曰插田嶺插田之西北曰麒麟山麒麟山之北曰龍潭山麒麟山之西卽縣城也插田嶺之北曰花園山又東北曰馬鞍山又東曰熊家山

又東曰龜山又東南曰曬甲山又東南曰黃公山又東曰大蜀山南對小蜀山相傳蜀先主曾會吳拒曹駐軍於此故名大蜀山之北曰元山此陸水以東之一支也其在陸水以西者東南自蒲圻縣之仙人洞西北迤至縣西南六十里之峽山入縣境峽山之北曰膏梁山膏梁山之東北曰長山膏梁山之北曰周郎山又北曰赤壁山元和郡縣志以此赤壁北岸相對者爲烏林謂卽周瑜焚曹操船處今江漢間言赤壁者有五漢陽漢川黃州江夏嘉魚也當以嘉魚赤壁爲據峽山之西曰普安洞普安洞之西南曰嶼形山普安洞之西曰鏡山此陸水以西支山也

水

江水西南自湖南臨湘縣東北流至縣西南百里之長旺洲入

縣境江北岸卽監利沔陽交界處也江水自長旺洲東北流十里至穀花洲北江中有洲分江流爲二長約十五里廣二三里洲之北岸爲沔陽之新隄鎮南岸則篾洲也自穀花洲東北至篾洲凡十里江水又自篾洲東北流五里至清江口北出洲之東北尾又東北流六里逕土磯頭北又東北流六里至島口北卽張舜民柳行錄之新打口也有新店水會黃蓋湖諸水來注新店水卽元和郡縣志之大嶧水方輿紀要於蒲圻下曰新店水嘉魚下曰石頭水源委詳蒲圻篇江水又自島口東北流十里至院子洲北江中有洲長約五里廣里許洲近南岸又東北六里至赤壁山北元和郡縣志以爲周瑜破曹公處也蓋卽隋書地理志之石頭山北岸卽烏林磯又卽水經注之上下烏林也赤壁山南舊有水口曰石頭口蓋新店水之淤口也江水又

自赤壁山東北流十里至陸水新口北有陸水自南來注源委詳蒲圻篇又東北流四里至陸溪口北陸水淤口也圖經云陸水自界石下灣環數里至陸口入江咸豐四年粵寇屯此掘斷傅尾洲水始自新口出江水又自陸口東流十里至唐冒山北又東流十里至唐公山北北岸爲龍口鎮屬嘉魚卽水經注之練口也龍口西北有良洲卽水經注之練洲也練龍良一聲之轉耳水經注江水旣逕烏林南又東左得子練口北通練浦又東合練口江浦也南直練洲練名所以生也按子練口西口也練口東口也江浦卽練浦練洲浦南之洲也準以今之地望子練口當在今烏林磯東北牛埠頭古當有港北通洋圻湖卽古練浦也又東繞良洲北至龍口注江後世爲江隄所阻遺蹟不存猶留良洲龍口之名令人仿佛耳江水又自唐公山北東北

流十四里至石磯頭北按古陸口當在石磯頭南水經注江水既逕練口右岸得蒲磯口卽陸口也陸水又逕蒲磯山北大江謂之刀環口江水又東逕蒲磯山北北對蒲圻洲亦曰擎洲亦曰南洲洲頭卽蒲圻縣治也洲上有白面洲洲南又有滌口按蒲圻洲擎洲南洲白面洲當爲一洲而異名圖經白面洲在白面山下白面山在石磯頭之東南六七里蒲磯山當卽白面山也水經注言江濱從洲頭以上悉壁立無岸又言魚嶽山在江中則是古江水當自石磯頭東南流依白面山牛首山北麓方爲壁立無岸至七里湖之北始北流歸今水道故魚嶽山在江中審是今白面山北之平地卽當時江中之蒲圻洲也石磯頭卽當時之洲頭也所置蒲圻縣治當在此今陸水自界石分支東注名曰小港經石磯頭之南橫山之北東注嘉魚口入江

自橫山以西之小港卽當時陸水正道今小港至橫山北距石磯頭僅二三里當時江水南池陸水北注陸口當在其間故斷水經注之陸口在石磯頭南三國孫吳所鎮之陸口亦當在此又寰宇記吳黃武二年於沙羨縣置蒲圻縣在競江口按競江口卽滌口也實卽陸口也故陸口蒲磯口刀環口滌口競江口本一口而數名酈氏誤分爲二然酈言滌口水出豫章艾縣艾縣在今江西義甯州西通城之幕阜山實義甯州西南界山今江夏以西大江南岸之水惟陸水發源於幕阜山酈旣言水出艾縣非陸水其孰能當之蓋陸水一名雋水本讀徂克切又或讀子俊切假爲智過千人曰雋之字於是雋滌音近遂誤爲滌酈氏不察分陸滌爲二并有至沙陽西北魚嶽山入江之詞不知旣言滌口在白面洲南是卽入江之口復言至魚嶽山未免

予盾江水又自石磯頭東北流入里有護縣洲分江流爲二護縣洲甚長東北曰永泰洲又東北曰歸糧洲又東北曰復原洲蓋一洲而數名卽水經注之沙陽洲沙陽縣治當在洲上洲近南岸江之南支廣不及一里世呼爲嘉魚夾嘉魚夾之南口卽水經注之雍口亦謂之港口因沙壅成港故名嘉魚夾卽水經注之長洋港也江水自護縣洲頭入嘉魚夾東北流七里逕魚躍山北卽水經注隋書地理志之魚嶽山也水經注言魚嶽山在大江中今在江岸蓋江流北徙耳又東北流四里至嘉魚口北有港水自西南來注

港水本陸水分支自界石分支東流曰小港逕劉家墩南飲馬山北十二里至夾橋又東南流逕月山墩西黃豹山東五里有口西南匯四里廣二里許曰銅湖又自銅湖口東南流

光緒湖北輿地記一

三

三里轉而東逕月山南流五里有口南匯十里廣半之曰大雅湖湖之東岸有馬牙背陳家背蔡家背沙背西南岸有鹿角背鷺兒背祁家背皆所以成湖旁之小汊者又自大雅湖口東北流五里逕筍子橋又東北流十里至橫山北其北距石磯頭僅三四里古陸水入江口當在其間又自橫山北轉而東南流三里入蜜泉湖湖之西口也自西口南池十里至賴家背南有大平寺水南出大畧山北流十六里受自東南來一水又北流四里來注自大平寺水口轉而東池八里至馬澗背又轉而南池八里至梅山下又轉而東池三里又轉而北池七里又西北池四里又北池二里至柏樹林又西北池六里至白雲山西麓入港卽湖之東口也西距西口約五里此爲蜜泉湖周數於是自東口北流三里至棗林背轉而

東流四里至北湖口有官橋鋪水出縣東南十四里東流里許逕官橋又東南流四里匯爲北湖又西北匯六里來注北湖廣約三里又自北湖口東北流七里匯爲七里湖南匯約二里北匯約五里廣三四里自七里湖北口西北逕縣城南流四里至城西魚躍山東又北五里入嘉魚夾嘉魚夾水既受港水又東北流十二里至歸糧洲南岸有隄自熊家山東北始西北距江岸約二里許又東北流十里逕關帝廟南又東北流十四里出洲尾與北支合卽水經注之洋口也洲尾卽龍穴洲江之北支自護縣洲頭東北流六里有洲曰復興洲又分北支爲二洲長約十四里廣約三里許洲之北岸曰田家口亦嘉魚地也江水自復興洲南頭東北流十四里出洲尾又東北流八里江北爲沔陽漢陽交界處水經注所言州

陵城當在此又東北流十三里有小洲長九里廣里許南傍復原洲尾又東北流十里出洲尾與南支合江之二支既會北流十里逕北河口南又北流十里有港東注二里匯爲荷花渙南北長約九里廣約二里又自港口西北流十里至花口市南東岸之隄始與江離直北至上沙汊江水自花口市西流十六里逕簾洲市南又西流五里逕仰口北又西流四里逕新灘口北仰口新灘口均漢陽地也江水轉而北流十二里逕明良洲西又轉而東北流十二里至傍興洲北又轉而東南流二十四里至上沙汊北江南岸復與隄合自上沙汊至花口市南北僅五里西北經繞簾洲江程增十餘倍且其地回復舟行風色不常故俗名坳簾洲江水又東北流二里至界牌北入江夏縣境

西良湖南岸詳蒲圻篇茲自縣東南二十八里之大橋水口

龜山北岸地觜池北五里至石頭觜觜北有硃沙橋水出縣東南十六里之舒家邊東南流三里轉而東北流二里逕硃沙橋又東北流二里匯爲汊廣約二里東匯七里來注自石頭觜北渡硃沙水口二里至受澗觜又西北池二里有周家河小水自西來注又西北池二里轉而東北池七里又轉而北池六里至小蜀山觜觜北有港西注約廣里許港北卽大蜀山也港西注爲蜀湖西南匯約十里廣約四里蜀湖西北隅有港長廣僅半里西注茶湖西南匯約八里廣半之蜀湖茶湖間地觜甚狹而長觜北至岸有橋通行人曰栗木橋自大蜀山南觜東池十里至楓林寺觜轉而西北池六里至上畝又轉而東北池七里至三夾潭潭北爲嘉魚港南口西畝湖北出通江夏長港之港也詳江夏篇三夾潭南又曰赤城

湖蓋西畝湖之異名自嘉魚港口東迤三里有港口東北注里許爲後湖南北約二里東西半之湖又東北注韓家觜北港自後湖南口東南池里許逕淨保市西又東南池里許至淨保觜觜南有汊東南匯八里汊北岸有二三小汊自淨保觜南渡汊口二里又南池二里至旺東廟廟北有小汊東匯自旺東廟東南池五里至鍊佛廟廟西有二三小汊自鍊佛廟東南池二里至余家觜觜北有小汊東匯二里余家觜西臨之湖又曰老坑湖亦異名也自余家觜南池六里至吳家觜兩觜間有三小汊東匯自吳家觜南池三里至孫家觜兩觜間有兩小汊一東北匯一東南匯自孫家觜東南池五里至老鴨觜孫家觜以西曰西湖老鴨觜以東曰東湖隨地異名耳老鴨觜南對咸甯之干塘角僅三里池北爲斧頭湖西

岸矣自老鴨背迤北七里至風冒背又迤北六里至棗樹背
又迤西北六里至吳主廟廟北有港口卽韓家背北港之東
口也又自港口東北迤皆平壤草澤二十二里至江夏縣長
港南口詳江夏篇

鄉鎮

縣有鎮市三鄉三里十二屯八

陸溪鎮在縣西南四十二里石頭鎮在縣西南五十二里簞洲
鎮在縣北四十五里

鄉在城東南者曰豐義鄉在城南者曰懷仁鄉在城北者曰廣
賢鄉

豐義鄉有里四曰豐義曰清洪曰受澥曰邵陵懷仁鄉有里五
曰西安曰石塘曰上懷仁曰右懷仁曰左湖廣賢鄉有里三曰

光緒湖北輿地記二

五

宣化曰廣賢曰淨居自西南至東北沿江有屯八曰上屯曰中

屯曰傅屯曰田屯曰白屯曰下屯曰東屯曰牛屯

東路自縣前鋪十里至石井鋪又十里至茅嶺又十里至舒橋
鋪又十里至洪水鋪又五十里至蒲圻縣彭勳鋪

職官

知縣 教諭

復設訓導

巡檢二員

一駐簞洲鎮一駐石頭鎮現駐陸溪鎮

典史 把總

蒲圻縣

沿革

禹貢荊州之地職方爾雅亦屬荊州周爲楚地秦屬南郡漢爲
沙羨縣西境屬荊州江夏郡東漢因之三國吳黃武二年分沙
羨西境置蒲圻縣屬荊州長沙郡赤烏九年分武昌爲兩部自

武昌至蒲圻爲右部晉初因之永嘉元年分荊州廣州立湘州長沙郡屬之宋元嘉中度蒲圻屬巴陵郡孝建初度蒲圻屬江夏郡隸郢州齊因之梁分江夏郡之沙陽蒲圻二縣分巴陵之下雋縣地置樂化縣立上雋郡屬沙州蒲圻乃屬沙州上雋郡陳改上雋郡爲雋州蒲圻又屬雋州隋平陳廢雋州以沙陽樂化下雋併入蒲圻屬荊州江夏郡又於沙陽地置鮎瀆鎮蒲圻疆域於此時爲最廣唐蒲圻屬江南西道鄂州永泰後置鄂岳觀察使元和中置武昌軍節度使鄂州皆屬之天寶二年分蒲圻置唐年縣卽樂化故地也五代因之於梁唐時鄂州屬吳唐遙改武昌軍爲武清軍於晉漢周時屬南唐保大中分蒲圻之鮎瀆鎮置嘉魚縣於是蒲圻縣境與今之疆域合矣宋蒲圻屬荊湖北路鄂州元蒲圻屬湖廣等處行中書省武昌路明蒲圻屬湖廣布政使武昌府 國朝因之康熙三年分湖廣布政使爲湖北布政使蒲圻遂屬湖北布政使武昌府

光緒湖北輿地記二

五

疆域

廣一百一十六里縱三十七里至 京師陸程三千零七十里至本府陸程一百九十五里橫距府經綫七十七里縱距府緯綫一百六十七里斜距府一百二十八里東至咸甯縣界五十八里西至嘉魚縣界五十八里南至崇陽縣界二十里北至嘉魚縣界十七里東南至崇陽縣界四十二里東北至嘉魚縣界六十二里西南至湖南臨湘縣界五十六里西北至嘉魚縣界五十八里

天度

增日出入

緯度北極出地二十九度四十二分二十二秒經度距 京師

中綫偏西二度四十一分三十二秒

冬至日出卯正三刻十二分十八秒日入酉初初刻二分四十二秒晝四十刻五分二十四秒夜五十五刻九分三十六秒夏至日出卯初初刻二分四十二秒日入酉正三刻十二分十八秒晝五十五刻九分三十六秒夜四十刻五分二十四秒

山

蒲圻之山分陸水以東陸水以西兩大支其陸水以西者自幕阜山西支至縣西南五十四里崇蒲及臨湘三界之十字坳分東支爲崇蒲界山至縣西南二十四里之金紫山爲陸水以西諸山之祖其在金紫山以西者於崇陽詳之方輿紀要言金紫山峻極萬仍爲蒲邑諸山之冠金紫山之北曰桃樹坡桃樹坡之東北曰木魚山木魚山東曰紗冒山又東

光緒湖北輿地記二

五

曰平望山又東曰荆泉山有金泉洞方輿紀要言洞頗深邃門有六泉其最名者曰荆泉卽荆港源也木魚山之東北曰關山又東北曰陸家山譚家山又東北曰墨斗山瑣石嶺又北曰茶菴嶺新樹山喬林山此白石港水與荆港水間支山也桃樹坡之北曰白石巖白石港水出其東蘭港水出其西方輿紀要言白石山居眾山中獨翠崒白石巖之西北曰翅山翅山之西北曰李家山吳家山翅山之東北曰長龍山又東北曰五洪山下有溫泉沸如湯曰湯塘又有寒泉曰冷塘二塘所注卽嘉墅橋水也山分二支五洪之東北曰長山又東北曰仙人山又東北曰鳳皇山又東曰高冠山又東北曰雞冠山又東爲縣城五洪山之西北曰烏歧嶺烏歧嶺之北曰長侖嶺又北曰青山又北曰蘭溪山蘭溪之北曰獨山蘭

溪之東北曰靈芝山烏歧嶺之西北曰杉樹山杉樹山之北曰天吉山又北曰高冠山又北曰黃峯山黃峯山之東北延亘於曹林畝水與官田港水間者曰馬家嶺雞眠山陳家山缺牙山黃峯山之西北延亘於官田港水與車埠水間者曰神明山蕭家嶺大山蛇山象山安山杉樹山之西北曰小峽山又西北曰大峽山大峽山之北曰崔家嶺大峽山之西北曰小壺嶺又西北曰偏髻山又西北曰洞山又北曰龜山獅山又西北曰朱山又西北至黃土渡轉而東北曰雞冠山此車埠水與大羅湖水間支山也大峽山之東曰紫荊嶺紫荊嶺之南曰盤山紫荊嶺之東曰大壺嶺又西南曰百家山大羅湖水出焉又西曰黃茅山有黃泥洞北有龍泉黃茅山之南曰紫竹嶺又西南曰石壁山又西曰沙子嶺黃茅山之西

曰蒲首山方輿紀要言蒲圻之首山也又西曰大史凡曰石頭嶺又北曰師古臺曰摩尼峯又北曰天馬山又西北曰俞家山又西曰石眉山石眉山之南曰平尖山曰陳家山石眉山之西北曰洪山又南曰看頭山又西南曰瑞雲山又南曰月形山獅山象山止於東港入新店水處此東港與蘆港新店水間山也黃茅山之北曰天井山又北曰盧山又西北曰九龍山又西北曰大名山東港水出焉又西曰寒婆坳又北曰程楊嶺程楊嶺之西曰石門山石門山之北曰大山坳石門山之南曰人形觜又西南曰蚯蚓形山又西南曰吳公山曰魏家山石門山之西曰艾山艾山之北曰胡莊山又西北曰團屋山又西北曰施家山曰虎山艾山之西南曰宋家山又西曰小松山小松山之西北曰獨樹觜西南曰茶樹觜此東

港與滄湖間支山也程楊嶺之北曰藍家山古樓山司鼓山
又北曰芙蓉山月塘山又北曰范包山范包山之東北曰王
佐山又北曰鄒家嶺又北曰龍坑山范包山之西北曰倅解
山又西北曰小柏山又西曰仙人洞又西曰峽山入嘉魚境
於嘉魚詳之此皆陸水與新店水間一大支也金紫山之東
爲崇蒲界山者曰杜石山其東南入崇陽境者有向山支阜
又東曰柴嶺又東曰北山其東南入崇陽境者有蘆塘山汪
家山大霧坪支阜北山東北曰青伏嶺又東曰桃花峯其東
北入蒲圻境者有白木碁支阜白木碁東流港水出焉其東
曰青峯嶺又東曰南山又東曰鄒家山又東曰雪峯山又東
曰木李山黃土山又東北曰尖山轎頂山白木碁之北曰斜
鳳山又東北曰黃茅岡又東曰丫髻山雙峯如髻故名土橋
頭山也

港水出焉又東曰梅子嶺松山又東曰竹山又東曰俞家山
桃花峯之東曰石白碁又東至洪下市止於陸水水東卽壺
陸水以東者自幕阜山東支至三界尖分支爲省垣正脈北
至蓮荷嶺分西支爲崇咸蒲界山至縣東南三十五里之黃
葛山爲陸水以東諸山之祖上有黃柘湖盈涸無定黃葛山
之東北曰分龍山又北曰尖山又東北曰仙人洞唐道士劉
元靖遺跡也汀泗橋水出焉仙人洞之東曰董家山又東曰
諶家山葛家山又東曰杉木碁樸山又東曰金盤巖白雲山
金盤巖之北曰馬頸山金家山挂榜山西皮山金盤巖之東
曰南山雞爪山雞爪山東南曰王林腦赤巖腦雞爪山之北
曰袁家山大泉山仙人洞之西曰芭蕉山孤家山又北曰木

蘭山又東北曰燈籠山黑漆山燈籠山之西北曰鳳皇山木魚山燈籠山之東北曰吳家山吳家山之西北曰彭家山玉芝山吳家山之東北曰白雲山白雲山之東北曰清和山又東北曰得海山又北曰毛嶺白雲山之北曰紫楊山又北曰皂角嶺皂角嶺之東北曰明慶山皂角嶺之西北曰錢家山三眼橋水出焉又西北曰易家山易家山之東北曰洪尖山洪尖山之東南曰上下同嶺上下同嶺之東北曰梅子嶺梅子嶺水出焉又東北曰石疊嶺泉洪嶺上下同嶺之東曰韭菜嶺石屋山大屋嶺洪尖山之東北曰夏家山又東北曰官塘山又東北曰石雞山又東北曰洛山又東曰寺人嶺張家嶺鏡面山天台山雞鳴寨又北曰方家山石頭山馬家山又北曰大公山木魚山傅家山此永豐橋水與梅子嶺水汀泗

橋水間支山也易家山之西北曰鳳山鳳山之西曰陽雀坡又西南曰獅子山獅子山之西北曰燈籠山又北曰芋坪山曰烏龜山獅子山之西南曰大山又西曰梘木山又西曰長春山長春山之南曰竹園山長春山之北曰馮家山長春之西曰南山方輿紀要言其頂方平謂之大湖坪其南一峯突起者則名石榴尖也南山之西曰幽蘭山有石泉幽蘭山之西南曰永荻山幽蘭山之西北曰神仙嶺曰天燭山曰小耳山幽蘭山之西曰小荻嶺小荻嶺之南曰石麟山曰牛頭山小荻嶺之北曰油落嶺小荻嶺之西曰雲臺山雲臺山之南曰桃花嶺雲臺山之北曰頭南山又西曰御屏山又西曰豐財山止於陸水豐財形如覆釜圖經言上有天池旁有荆竹洞虛廠可容千人西麓有石突起名蕭堆此赤馬港與陸水

問支山也鳳山之北曰石泉山又北曰黃馬山又西北曰石塔嶺其西赤馬港水出焉其東永豐橋水出焉石塔嶺之東南曰青山又東南曰銅山又東南曰富家山石塔嶺之東北曰大門山又東北曰行宮山行宮山之南曰石山又南曰走馬嶺行宮山之東曰王陰山又東曰船山行宮山之東北曰唐家山又東曰筆架山此永豐橋水與任家橋水間支山也石塔嶺之西北曰道人山道人山南曰石子岡山北曰石山山西曰龔家山又西曰洪口山任家橋水出焉轉而北曰赤岡又北曰興西山曰三十六峯三十六峯之東北曰茂樹山又東曰高嶺三十六峯之北曰路燈山路燈山之西北曰黃岐山山左有明水洞其北有石口臨畢家湖路燈山之東北曰萬峯頂柳夏橋水出焉萬峯頂之東曰明水山又東曰馬

鞍山又東北曰獅子山又東曰平嶺平嶺之南曰黃土崙平嶺之東曰金盆頂又東曰雙峯嶺曰香爐山平嶺之北曰甲山甲山之東曰小松山曰玉屏山轉而北曰箕山曰石壁山曰烏紗背臨西良湖甲山之北曰八里坡又北曰石家嶺石家嶺之西北曰張家嶺曰舒家嶺曰龜山又北曰蟾蜍山又北曰牛首山又北曰牛背臨西良湖石家嶺之東北曰德山又東北曰雙牛山又北曰玉皇山又北曰墳頭背又北曰伏虎山臨西良湖萬峯頂之北曰西良山又東北曰小山又北至神山市又北曰蛇山臨西良湖此皆畢家湖水與任家橋水間支山也三十六峯之西曰丁卯山丁卯山水出焉又西曰石馬洞石馬洞水出焉又西南曰摩山摩山之東南曰芙蓉山芙蓉山水出焉又東曰塘山又南曰鳳皇山摩山之西

南曰茗山畢家湖水出焉山產茗故名茗山之東北曰亮石
山茗山之西南曰筆架山筆架山之西曰白嶺霞落港水出
焉又西曰花山又西曰人形腦曰畜山曰虎山筆架山之東
曰行將山下有洞外窄內寬方輿紀要言黃巢亂時土人曾
避兵於此行將山之南曰螞蟻山轉而西曰天平嶺又西南
曰牛頭山行將山之東曰龜山此陸水以北畢家湖水以南
支山也茗山西北曰中觜山入嘉魚境於嘉魚篇詳之

水

陸水自崇陽縣西北流至縣東南三十里壺頭山之西洪下
市之東入縣境北流二里受自西來之東流港又北少東流
六里轉而東流三里又東北流七里逕坑橋又西北流三里
至石坑市南受東北自雙坵畈會一小水西南流來之三眼

光緒湖北輿地記一

三

橋水轉而西流逕桃花尖松山樊家觜之北竹園山梅家山
水荻山之南凡十八里至石麟山南之土橋港口受東南自
丫髻山來之土橋水又西流逕中頭山南黃茅岡北凡八里
逕聶泗渡又西南流六里至軒轅觀南有西南出荆泉山之
荆港水東北流逕荆港鋪西又北流逕荆港橋會自東南來
之桃花泉又東北流來注陸水既受荆港又西北流五里至
豐財山之西有西南出白石巖水北流六里受自西來之嘉
墅橋水又東北流十六里來注陸水既受白石巖水又北流
四里至縣城東北隅有赤馬港水東北出石塔嶺西南逕石
子岡占崙鋪之南流十四里有北出丁卯山水南流會自西
北來之石馬洞水南流逕梅霞橋又南流凡行十二里來注
赤馬港水又西南流三里有西北出熊家村之蛟龍橋水會

自東來之芙蓉山水東南流凡行十里來注赤馬港又西南
逕下龍鋪彭勳鋪之南流十五里入陸水陸水既受赤馬港
轉而西北逕城北流七里有霞落港自東北來注又西北流
二里至虎山南曰老河口分爲支津西支西流又北流凡
五里與東支會東支北流二里與西支會其會處亦曰老河
口又北流三里至黃龍市南受自北來之銅釘山水又西流
三里受自南來之曹林畝水水有東西二源陸水又西流二
里受自東北來之紅綾港水又西流三里受自南來之官田
港水水有二源陸水又西北流四里有港東北匯爲郎當湖
約長五里南北廣半之陸水轉而西南流二里右岸始有隄
曰固縣隄又西南流三里有港北注三里匯爲盤石湖南北
長約二里廣半之湖東岸爲兩小汊陸水又西南流一里至

車埠市東有車埠水東南出神明山西北流八里會自南來
之聶家村水又西北逕象山之西獅山之東三里有港西北
匯六里曰小羅湖廣不過一里車埠水又北流二里入陸水
陸水又西北流四里於是左右兩岸均有隄右岸卽宣公隄
也又西北流六里至鮑家背南轉而南流五里至荷葉塘左
岸之隄止此又西南流二里有大羅湖水南出百家山北流
逕大湖嶺之西楓嶺之東行十五里入大羅湖又北匯八里
注陸水湖東西廣約五里陸水既受大羅湖水又西北流四
里至梅湖南岸右岸之隄止此陸水又西北流北岸距梅湖
僅半里許六里至龍坑山南有八節港西北注五里入松柏
湖湖自八節港口東南匯約七里西南匯約六里南匯僅二
里卽抵小柏山下故松柏湖兩汊中間小柏山畧如八字形

其東西廣約五里自八節港口北匯卽爲嘉魚之柳山湖南
北長約十二里廣半之柳山湖之西南隅周郎背北有港西
通島口詳新店河柳山松柏兩湖本自相通而分跨嘉蒲兩
縣境耳陸水又自龍坑山南東北流四里有口東匯自口南
匯者爲梅湖東匯者爲接里湖北匯者爲錦湖梅湖長廣均
約六里接里湖東西約六里南北約四里錦湖南北約六里
東西廣半之三汊分出畧如指掌形陸水又自湖口北流三
里轉而東南流三里又轉而北流三里至月山西入嘉魚縣
境陸水入嘉魚境又西北流十里逕柳山之東山南卽柳山
湖也又西北流六里至界石有港東達嘉魚縣北入江詳嘉
魚篇又北流四里入江此陸水新口也陸溪口在新口之東
三里

光緒湖北輿地記二

三

新店水一名新溪水元和郡縣志曰大嶧水源出縣西南五
十四里之十字坳蒲崇與臨湘界山也新店水西北流二十
四里至岳武橋在羊樓司橋爲蒲圻通湖南之路新店水又
自岳武橋西流二里轉而北流三里至臨河山東轉而東北
流十六里至港口司西南有東出馬家洞水西南流五里會
東自水桐嶺來一小水又西南流六里轉而西北流二十里
注新店水新店水又東北逕港口司西流二里有羊樓洞水
東出前鋪嶺西麓西南流十四里逕羊樓洞北至羊樓市之
西會東出夏家嶺西逕羊樓市南來會之水又西北逕談山
之西萬家山之東流十二里注新店水新店水又東北流五
里受東自紙棚鋪西流十六里之皇華橋水又北流四里受
自東南來之七寶橋水又西北逕土城南金絲橋北流十八

里至新店鎮南有東南出白石巖水西北流六里逕蘭港橋又西北流八里逕周家嶺北又西逕師古山鳳山之北紫竹嶺之南流十二里至太平城北孫權遣魯肅征零陵時所築也又西逕石壁山南流六里至新店鎮南注新店水新店水又北少西流八里受自東來之峽山橋水又西逕馬鞍山月形山獅山象山之南流十二里匯爲東港湖東港湖卽黃蓋湖南澗也新店水自發源至此均爲蒲圻臨湘之界故東港黃蓋諸湖仍爲兩縣共跨其在蒲圻者爲湖東岸西岸則臨湘境茲敘其在蒲者自新店水北池二里有東港水東北出大名山西流十里逕洪山寺北又西南流十二里至象山北來注又北池六里至魏家山南轉而西北池四里至李家隴南於是湖之西岸爲嘉魚縣境湖又爲蒲嘉兩縣所跨湖面

廣約十二三里又西北池三里爲李家隴背轉而東北池五里至蜈蚣圩北背有汊東匯十里爲冷水湖汊南北廣約二里南北兩岸均有三四小汊又自蜈蚣圩北背渡冷水湖口西北池三里至象山北背背北有汊東北匯約方二里曰神塘湖又西北池里許至臨河山南之竹山背卽神塘湖口北岸也又西北池六里至獨樹嶺西北背背西卽黃蓋湖背北爲滄湖口滄湖蓋黃蓋湖東匯之澗也南屬蒲圻北屬嘉魚又自獨樹嶺背東池六里至向村背兩背間有汊東南匯十二里曰橋頭湖蓋又滄湖南岸之澗也又自向村背東池十里至趙家背兩背間南匯之小汊約四五處自趙家背東北渡湖二里至北岸之仙人洞南背兩背之東有三汊分匯畧如伸指狀其在趙家背之東蛇頭背之西者南匯約四里

在蛇頭觜之北旗下觜之南者東匯約二里在旗下觜之西
仙人洞南觜之東者東北匯約四里及小柏山下東距松柏
湖僅二里矣又自仙人洞南觜西北池二里入嘉魚縣境又
西南池二里至峽山南觜又西池六七里至鱗形山南其間
北匯之汊約四五處又自鱗形山西南池十里爲滄湖口門
北岸南距獨樹山觜僅二里許自口門迤北半里許有港口
實島口港之南口也爲黃蓋湖注江之道自港口北池六七
里爲到都黃蓋之西岸十五里有口西決納自西北來一小
池爲到都黃蓋之西岸十五里有口西決納自西北來一小
水吐支津西南注四里有小汊東匯約二里又西南注二里
有小汊東匯約二里曰蒙泉湖又西南注里許入臨湘境之
黃蓋湖又自西決之口南池五里至張家觜又西南池五里

入臨湘境轉而西池又爲臨湘境內黃蓋湖北岸矣於是自
島口港南口東北流十里分爲兩支東支東注三里匯爲左
湖約方三里東北迤復爲港曰麻濠又東北注四里有港南
吐約二里爲湖南匯約四里東西半之曰清江塞麻濠港又
東注二里轉而南注三里又轉而東注里許有港南匯約四
里東西半之曰郭家湖其北卽院子洲麻濠港又東注四里
入柳山湖入處卽柳山湖之西南隅周郎觜北也西支北注
四里曰島口入江東支本新店水正流舊由院子洲北注石
頭山下入江曰石頭口其水一曰石頭水今淤島口新通之
口也故一曰新打口打島一聲耳

汀泗水源出縣東南三十八里之仙人洞東流逕諶家山余
家山白雲山之南駱家山東泉嶺軍山之北行十八里受自

東南來一小水又東北流二里至雷破洞伏流北一里出山
又北少西流逕赤巖腦之東自角嶺之西行六里至大泉山
北受自西南來一小水又北流三里至西皮山東土寨嶺西
爲蒲圻咸甯界又北少西流四里逕山峽橋又東北流四里
轉而西流二里至大屋嶺東轉而北流三里又東北流四里
至王家坡受西南自梅子嶺東北流十四里一水又東北流
十里有三叉港水東南出咸蒲界之撥雲臺北少西流逕穿
石嶺之東繞泉山之西過張板橋行二十六里來注汀泗水
又北流一里逕汀泗橋市之西又北流二里轉而東流三里
又西北流二里逕趙家村西又北流五里至梅子嶺有廟台
河東南出沸泉西北流六里逕馬橋又西北流五里逕趙家
橋受自西南來之朱家橋水又西北流六里來注汀泗水又

西北流二里轉而西南流三里又西北流二里至彭家背北
入西良湖西良湖蓋斧頭之西澥也自汀泗河口池東北爲
咸甯地於咸甯詳之茲敘汀泗河口池西自彭家背西南池
六里至泉口市又西北池二里至河口有任家橋水西南出
縣東北二十四里之洪口山東北流逕高橋龔家山石山之
北小嶺之南行十四里會自西北來之王家橋水又東北流
四里逕任家橋又東北流五里逕和尚橋又東北流四里有
永豐橋水西南出石塔嶺東南流逕青山富家山之南黃馬
山之北行七里轉而北流六里會自西北來之走馬嶺水又
東北流三里逕雷公橋市又東北逕寺人嶺之西流五里受
自西南來之洞船山水又北少東流六里逕永豐橋又北流
二里來注任家橋水既會永豐橋水又北流里許至河口注

湖自河口轉而東北迤逦吐痰菁萬家菁凡八里至李家菁東對汀泗河口約三里許自李家菁北迤繞玉屏山箕山東麓逕衙門菁凡十五里至烏沙菁其西有汙西南匯十二里又西北渡汙口二里至唐家菁又西北迤三里至墳頭菁兩菁間有汙南匯約二里又北迤四里至明月寺北菁轉而西迤四里至西良菁兩菁間有汙南匯約二里自西良菁轉而西南迤六里至牛菁兩菁間有汙南匯約十里東西廣半之自牛菁西南迤依牛首山蟾蜍山西麓八里至龜山西北有大橋水自西南來注大橋水有兩源其南源出縣城北少東十四里蒲嘉交界之茗山東北流三里逕洪水鋪又北流四里均爲蒲嘉界轉而東北流入縣境四里逕李家港橋又北二里逕馬家港橋又東北二里逕杜母橋受自西來一小水

又東北流三里受自東南來一小水又東北流七里匯爲畢家湖東西廣約二里自水口南匯約三里北匯約三里復爲港又北注二里與北源會北源出縣城東北三十里蒲嘉交界之四古台東北流逕障山北七里逕何家橋又北流二里至方家鋪又東北流爲蒲嘉交界水曰嘉魚港四里逕羅家橋又東流三里逕周家橋又東流二里逕任家橋又東南流三里與南源會二源旣會東流里許逕大橋市西北又東北流里許匯爲湖有汙南匯約二里又東北匯五里湖面頓闊南北約四里東西約三里湖中有山曰螃嶼山約方二里湖南岸卽蛇山菁也蛇山東對龜山約二里兩山間有汙南匯約十里及於埠頭市東西廣約二三里名曰山門湖蛇山之南有神山市與埠頭市皆山門湖上闔闔大橋水旣匯山門

湖又東北依龜山西北麓迤二里入西良湖入湖處南岸爲龜山北岸有地菁嘉魚地也迤北爲西良湖西岸詳嘉魚篇鄉鎮

縣有鎮市十四鄉四團四十四

羊樓峒鎮在縣南六十里新店鎮在縣西五十里石坑鎮在縣東南四十五里汀泗鎮在縣東北七十里黃龍鎮在縣北三十里車埠鎮在縣西北四十里羊樓司市在縣西南七十里港口驛市在縣南六十里官塘驛市在縣東北六十里神山市在縣西北七十里埠頭市在縣西五十五里接里市在縣西北六十里毛山市在縣西十五里洪山市在縣西六十里鄉在城東者曰東鄉在城西者曰西鄉在城南者曰南鄉在城北者曰北鄉

光緒湖北輿地記二

七

東鄉有團入曰城廂曰南勳曰荆沙曰土喬曰石坑曰雙坵曰羊泉曰大貴西鄉有團十八曰白蕪曰官田曰黃龍曰劈精曰白駒曰車埠曰峽山曰斗門曰龍坑曰小柏曰楓喬曰洪山曰新興曰馬坳曰楊林曰蕭喬曰黃土曰新店南鄉有團六曰大田曰白石曰來山曰港口曰洪石曰城西北鄉有團十二曰親樂曰上寺曰安豐曰芳喬曰池江曰坪下曰官喬曰馬獅曰汀泗曰占崙曰官塘曰郭連

東路自在城鳳山驛三十里至洪山塘又三十里至官塘驛又六十里至咸甯縣城驛

西路自在城鳳山驛三十里至白石塘又三十里至港口驛又六十里至湖南臨湘縣長安驛

南路自縣前鋪十五里至荆港鋪又二十五里至東流鋪又十

